

02 Ноября (н/с). СВЯЩЕННОМУЧЕНИКА ЗОСИМЫ КРЫЛАТСКОГО

На Велицей Вечерни. На Господи воззвах, стихиры на 6, глас 1:

Прехвальне свящennomучениче Зосимо,/ ты ни темница изнурила есть,/ не глад умори, ни озлобления ни раны смятоша,/ во еже разлучити тя от любве Божия/ и богодарованныя паствы./ Темже Христу, святе молися/ даровати Церкви нашей// мир и велию милость.

Всехвальне свящennomучениче Зосимо/ от братий по плоти страдания до крове претерпевая,/ в себе помышляя еси,/ яко Господа ради умерщвляеми есмы/ и несть наша брань противу плоти и крови,/ но к миродержителю тьмы века сего./ Темже Христу, святе, молися,/ даровати земли нашей// мир и велию милость.

Преславне свящennomучениче Зосимо,/ ты жертву безкровную первее благоговейнее совершая,/ послепеде, яко всеплодие,/ себе самага в жертву живую народа нашего./ И ныне Христу, святе, молися/ даровати людем российским// мир и велию милость.

Слава, глас 1:

Церкве Российския славо/ и Отечества нашего украшение,/ свящennomучениче Зосимо,/ властью от Бога тебе данною,/ ругатели безбожныя обличал еси,/ и диавола посрамил еси,/ кровь же твоя, яко Авелева/ от земли наша вопиет немолчно./ Сего ради ходатай на Небеси о нас верен буди// и моли спастися душам нашим.

На стиховне стихиры, глас 6:

Столп непоколебимый Русския Церкви был еси,/ гонения лютая претерпевая,/ день и ночь в молитве подвизался еси,/ свящennomучениче Зосимо,/ огнем ревности и духом кротости/ паству твою ко Христу путеводя,// тем тя любовию почитаем.

Стих: Священницы Твои облекутся в правду,/ и преподобнии Твои возрадуются во веки.

Верен Богу и Церкви был еси даже до смерти,/ свящennomучениче Зосимо,/ныне же с лики новомученик и исповедников Российских/ предстоя Христу Царю,/ молися с ними прилежно даровати нам// мир и велию милость.

Стих: Честна пред Господем/ смерть преподобных Его.

Душевныя и телесныя страдания твоя/ и смерть вольная от безбожных за Господа/ отверзоша ти, святе Зосимо, врата жизни вечныя/ и укрепиша братий твоих исповедати Христа./ Темже Ему молися присно,// да утвердится Православие на Руси во веки.

Слава, глас 4:

Ангели страданием твоим дивляхуся,/ и Церковь Небесная радостно тя прият,/ достохвальне Зосимо./ Ныне же, священныя руце твоя/ к Престолу Святыя Троицы простирая,/ поминай землю русскую,/ юже возлюбил еси,//моля о спасении славящих тя достохвально.

И ныне, Богородичен, глас 4:

Призри на моления Твоих раб, Всенепорочная,/ и всякия скорби избави землю русскую,/ дом Твой нареченную и кровьми новомученик освещенную./ Да не постыдимся, Владычице Державная, Тя призывающии,/ Ты бо еси православных помощь, радость и покров// и спасение душ наших.

Тропарь, глас 3:

Церкве Русския столпе непоколебимый,/ благочестия правило,/ жития евангельскаго образе,/ свящennomучениче Зосимо,/ Христа ради пострадавый даже до крове,/ Егоже моли усердно,/

яко Начальника и Совершителя спасения,/ Русь Святую утвердити в Православии// до
скончания века.

Величание:

Величаем тя,/ священномучениче Зосимо,/ и чтим честная страдания твоя,/ яже за Христа во утверждение на Руси Православия// претерпел еси.

Псалом избранный: Бог нам прибежище и сила...

Прокимен, глас 4:

Проидохом сквозе огонь и воду,// и извел еси ны в покой.

По 50-м псалме стихира, глас 6:

Егда попусти Господь по грехом нашим/ братоубийство, гонения и веры Христовы поругание,/ ты священномучениче Зосимо,/ Церкви Российской столпе непоколебимый явился еси/ и кровь свою за Христа пролив,/ паству во единстве соблюл еси./ Ныне же на Небеси предстои с лики новомучеников,// моли спастися душам нашим.

Кондак, глас 2:

Восхвалим, вернии,/ изрядного во священницех/ и славного в мученицех Зосиму,/ Православия поборника и благочестия ревнителя,/ земли Русския красное прозябение,/ иже страданием Небесе достиже/ и тамо тепле молит Христа Бога// спастися душам нашим.

На хвалитех, стихиры на 4, глас 4:

Дал еси знамение/ земли Русстей, Господи,/ священномученика, угодника твоего, Зосиму/ яко да тем умолен бывая,/ отвратиши праведный твой гнев,/ и не погибнет святая и боголюбивая Русь/ предстательством новаго страстотерпца.

Жертву хваления/ присно Господеви принося/ священномучениче Зосимо/ в конец самого себе в жертву живу и святу,/ благоугодно и совершенну представил еси,/ темже ти верно вопием:/ благоприятны сотвори молитвы наша// о благостоянии Церкви Русския.

Предстателю Церкви Русския,/ священномучениче Зосимо всехвальне,/ выну зряй лице Господа на Небесех,/ не презри ни единого от малых чад ея,/ но радостно покаяние наше прими и моли присно// сыновом российским спастися.

Слава, глас 8:

О преславного чудесе!/ яко крин посреде терния,/ в страданиях за Христа процвел еси, священномучениче Зосимо,/ да не затмится в земли нашей свет Православия/ во откровение языком и славу народа русскаго./ и ныне, в селениях райских пребывая,/ неувядаемо благоухаеши// вере твоей подражающим.

И ныне, глас 8:

О преславного чудесе!/ Небесе и земли Царица,/ от святых сродников наших умоляемая,/ до ныне землю Русскую покрывает/ и лика Своего изображении милостивно обогащает./ О Владычице Державная!/ НЕ престани и на будущее время/ во утверждение на Руси Православия// милости и чудеса изливати до века. Аминь.

На Литургии. Прокимен, глас 7:

Честна пред Господем/ смерть преподобных Его.

Причастен: В память вечную будет праведник,/ от слуха зла не убоится.